

Teho dla ma kowař klěšće,
Zo njetrjebał sam přimać.

- 260 Tři dny stare hriby
A tři dny stari kermušni hosćo
Su jenak lubi.

Tunja kup
Rady droha kup.

W swojim času próca mała
Je wulke džěło zlutowała.

Wilki — lazy spody šilki,
Małki — spody ławki.

Wšelko,
Mój wjelko,
Hdyž liška doma njeje.

- 265 Wulki — njejě žane kulki,
Mały — žane jahły.

Wužiwaj zrjadnje,
Dha wužiwaš dolho.

Z wumješka
Do brjuška.

Zeger (časnik) zastanje,
Ale čas nic.

Zopa (poliwka)
W brjuše hopa.

- 270 Žadyn khumšt njeje protyku činić,
Hdyž je lěto nimo.

—————